

Allannguutissatut siunnersuut

uunga

Siunnersuut uunga: Atornerluineq pillugu Inatsisartut Inatsisaat.

Aappassaaneerneqarnissaanut Naalackersuisunut saqqummiunneqartoq.

1. Inatsisartut Inatsisaata taaguutaa ima oqaasertaliorneqassaaq:

”Atornerluinermut katsorsartinneq atornerluinermullu ilisimasanut qitiusoqarfik pillugit Inatsisartut Inatsisaat ”

§ 7-imut

2. § 7 imatut oqaasertaliorneqassaaq:

”§ 7. Naalackersuisut Allorfiup siulersuisunik pilersitsissapput. Siulersuisut susassaqarfiit akimorlugit katitigaapput ukiunilu sisamani atuuttussanngorlugit toqqarneqartarlutik. Ilaasortat toqqarneqaaqqissinnaapput.

Imm. 2. KANUKOKA aamma Kommuneqarfik Sermersooq immikkut siulersuisunut ilaasortamik ataaatsimik toqqaassapput.

Imm. 3. Naalackersuisut siulersuisunut ilaasortamik pingasunik toqqaassapput. Toqqaaneq ingerlanneqassaaq naalackersuisoqarfinit ukunannga inassuteqarneq tunngavigalugu, tamarmik ilaasortamik ataaatsimik inassuteqassapput:

1) Peqqissutsimut Naalackersuisoqarfik,

2) Ilaqtariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoqarfik, aamma

4) Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik.

Imm. 4. Allorfik sulisut akornanni siulersuisunut ilaasortamik ataaatsimik toqqaassapput. Ilaasortaq taanna atornerluinermik katsorsaaneermut misilittagaqassaaq.

Imm. 5. Naalackersuisut siulersuisunut ileqqoreqqusat aalajangersassavaat.

Imm. 6. Siulersuisut namminneq suleriaasissatik aalajangersassavaat.”

§ 8-mut

3. § 8, imm. imatut oqaasertaliorneqassaaq:

”Imm. 2. Siulersuisut aalajangersaasinnaatitaapput siulittaasoq aamma ilaasortat ikinnerpaamik sisamat najuuppata. Taasinerit naligiippata siulittaasup taasinera aalajangiisuussaaq. ”

§ 12-imut

4. § 12, *imm. 2* imatut oqaasertaliorneqassaaq:

”*Imm. 2.* Qitiusumik aqutsisoq tulluurtumik ingerlaqqiffiusumik ilinniarsimasuussaaq masteritut qaffasissusilimmik imaluunniit assigisaanik aamma Allorfiup neqeroorutigisaanik atonerluisunik katsorsaasartutut ilinniartitaanermik naammassisaqarsimasuussalluni.”

§ 16-imut

5. § 16, *imm. 1* imatut oqaasertaliorneqassaaq:

”§ 16. Atornerluinermi qitiusumik attaviusut namminneq suliffimminni atornerluinermik pinaveersaartitsinermut peqataassapput aamma katsorsartinnissamut kajumilersitsissallutik. Inuit atornerluisunut pingaaruteqartut katsorsartinnerup naammassereernerata kingornatigut atornerluinermut uteqqinnissamut pinaveersaartitsinermut peqataasinnaapput. Allorfik sulisitsisunik ilitsersuissaaq atornerluinermi qitiusumik attaviusut piginnaasai pillugit aamma suliffeqarfiup aaqqissuussaananerani suliarisinnaasai pillugit.”

§ 17-imut

6. § 17, *imm. 1* imatut oqaasertaliorneqassaaq:

”§ 17. Katsorsartinnissamut qinnuteqaat Allorfirmut tunniunneqassaaq.”

§ 24-mut

7. § 24, *imm. 1* imatut oqaasertaliorneqassaaq:

”§ 24. Najukkani atornerluinermi qitiusoqarfinni sulisut bacheloritut qaffasissusilimmik ilinniarsimasuussapput imaluunniit sammisamut tulluurtumik qaffasinnerusumik ilinniagaqarsimasuussallutik.”

§ 29-mut

8. § 29 imatut oqaasertaliorneqassaaq:

”§ 29. Innuttaasut eqqartuunneqarsimallutik Kalaallit Nunaanni Pinerluttunik Isumaginnittoqarfiup isertitsiviisa ilaanni pineqaatissinneqarsimanerminnik atuisut katsorsartinneqarnissaannut atugassarititaasut pillugit Naalakkersuisut aamma Kalaallit Nunaanni Pinerluttunik Isumaginnittoqarfiup akornanni isumaqatigiisuteqartoqassaaq.”

Oqaaseqaatit nalinginnaasut

Allannguutissatut siunnersuut manna Siunnersuummut uunga: Atornerluineq pillugu Inatsisartut Inatsisaannut Ilaqutariinnermut Peqqissutsimullu Ataatsimiititaliap 27. maaji 2017-imi isumaliutissiissutiminni inassutigisaasa ilaat malippai.

Allannguutissatut siunnersuutip siulersuisut katitigaanerannut aalajangersakkat allanngortippai, qitiusumik aqutsisup aamma atornerluisunik katsorsaasartut ilinniagaqarsimanerannut piumasaqaatit aamma aalajangersarneqarpoq pineqaatissinneqarsimasunik katsorsaanermi atugassarititaasut aalajangersarneqassasut Naalakkersuisut aamma Kalaallit Pinerluttunik Isumaginnittoqarfiup akornanni isumaqatigiissuteqarnikkut. Tamatuma saniatigut Inatsisartut Inatsisaata taaguutaa allanngortinneqarpoq.

Ilaqutariinnermut Peqqissutsimullu Ataatsimiititaliap isumaliutissiissutaata kingunerisaanik aalajangersakkat allanngortinneqartut saniatigut Naalakkersuisut maluginiarpaat allannguutit pisariaqartuusut annikitsut §§ 16-imi aamma 17-imiittut inunnut atornerluisunut pingaaruteqartunut tunngasut aamma katsorsartinnissamut neqeroorutinut innersuunneqarnissamut tunngatillugu. Taamaattumik allannguutissatut siunnersuut manna aammattaaq taakkuninnga allanngortitsinissamik ilaqarpoq.

Allannguutissatut siunnersuummi aalajangersakkanut ataasiakkaanut oqaaseqaatit

Normu 1-imut

Naalakkersuisut Ilaqutariinnermut Peqqissutsimullu Ataatsimiititaliaq isumaqatigigaat isummersuutaannut taaguutitut siunnersuutip paasinerlunneqarsinnaanerannut tunngatillugu. Taamaattumik taaguutaa allanngortinneqarpoq.

Normu 2-mut

Naalakkersuisut Ilaqutariinnermut Peqqissutsimullu Ataatsimiititaliaq isumaqatigigaat isummersuutaannut ajornaannerusumik siulersuisut ikinnerulersillugit toqqaasoqarnissaanik. Tamatuma saniatigut Naalakkersuisut aammattaaq paasivaat pissutissaqarsinnaammat siulersuisuni atornerluinermik katsorsaanermik misilittagaqartumik ilaasortaqaarnissaq.

Taamaattumik allannguut manna aqcutigalugu siunniunneqarpoq kommunit kattuffianniit KANUKOKA-mit ilaasortamik ataatsimik toqqaasoqarnissaa, ilaasortaq ataaseq Kommuneqarfik Sermersuumit, kiisalu ilaasortat pingasut Namminersorlutik Oqartussat naalakkersuisoqarfiinit inassuteqaatigisat napertorlugit. Tamakku saniatigut Allorfimmi sulisut akornanneersumik siulersuisuni sinniisuutitamik toqqaasoqassaaq, tamatumani qulakkeerniarlugu atornerluisunik katsorsaanermi misilittakkat siulersuisunut ingerlateqqinneqartarnissaat.

Allannguutip tamatuma siulersuisuni ilaasortat amerlassusiat inunnut arfinilinnut ikilisippai.

Normu 3-mut

Aalajangersakkap allangortinneqarneranut pissutaavoq siulersuisut katitigaanerisa allangortinneqarnerat, tak. § 7.

Normu 4-mut

Ilisimasanut qitiusoqarfiup pilersikkiartorneranut aamma ingerlanneqarneranut pingaaruteqarpoq qitiusoqarfimmi aqutsisup naammaginartumik qaffasissusilimmik ilinniagaqarsimanissaa, tamatumani qulakkeerniarlugu qitiusoqarfimmi ilisimasanik nutaanik atuisoqarnissaa aamma pilersitsisoqarnissaa. Taamaattumik piumasaqaataassaaq qitiusoqarfimmi aqutsisup masteritut qaffasissuseqartumik imaluunniit assigisaanik ilinniagaqarsimanissaa. Allannguutip kinguneraa inuit akademikeritut qaffasitsigisumik ilinniagaqarsimasut masterimut assingusumik aammattaag atorfimmut piukkunnarsinnaasut.

Naalakkersuisunit naatsorsuutigineqanngilaq sulisussarsiornermi atorfimmut piukkunnartunik nassaarniarnissap ajornartorsiutaanissaa.

Normu 5-imut

Aalajangersakkap tamatuma allangortinneqarnerata kinguneraa Allorfiup sulisitsisunik isumaqatigiissuteqartannginnissaa, tassa atornerluineri qitiusumik attaviusut atorfeqartitaanermi atugassarititaasut piginnarlutik inuttut atornerluisunut pingaaruteqartut sulisassasut. Tamatumunnga taarsiullugu Allorfik pisussaaffeqarpoq sulisitsisunik ilitsersuisassalluni atornerluineri qitiusumik attaviusut piginnaasai pillugit aamma suliffeqarfimmi suliarisinnaasai pillugit.

Aalajangersakkami sulisitsisup aamma sulisup akornanni atugassarititaasut allat malittarisassaliunneqanngillat. Taamaattumik aalajangersakkami siunertarineqanngilaq atornerluineri qitiusumik attaviusut atorfeqartitaanermi atugassarititaasut atuuttut allangortinneqarnissaat.

Normu 6-imut

Najukkani katsorsaannermut qitiusoqarfiit akimorlugit innersuunneqarnerup assigiimmik ingerlanneqarnissaa qulakkeerniarlugu katsorsartinnissamut qinnuteqaat Allorfimmut tunniunneqartassaaq. Tamatuma kingornatigut katsorsartinnermut innersuunneqarneq Allorfimmit ataqatigiissaarneqassaaq.

Normu 7-imut

Naalackersuisut Ilaqutariinnermut Peqqissutsimullu Ataatsimiititaliap najukkani qitiusumik katsorsaavinni sulisut ilinniagaqarnerisa qaffasissusiat pillugu isummersuutaat paasilluarpaat.

Taamaattorli atornerluisunik katsorsaanerup pitsaassusia qulakkeerniarlugu pingaaruteqarpoq najukkani atornerluinnermut qitiusoqarfinni sulisut ilinniagaasa arlaatigut qaffasissuseqarnissaat. Allanguut taanna aqutigalugu qulakkeerneqarpoq najukkani atornerluinnermut qitiusoqarfinni atorfinitsinneqarnissamut aallaaviussasoq bacheloritut qaffasitsigisumik ilinniagaqarsimanissaaq. Taamaalilluni ammaanneqarpoq inuit bacheloritut ilinniarsimanermik qaffasitsigisumik ilinniagallit, taamatutaaq najukkani atornerluinnermut qitiusoqarfinni atorfinitsinneqarnissaminnut eqqarsaatigineqarsinnaalerput.

Tamatuma saniatigut § 24, imm. 2-mi aalajangersagaqarpoq immikkut aalajangersakkami sulit atuutinneqarpoq, inuit sivikinnerusumik ilinniagaqarsimasut aammattaaq atorfinitsinneqarsinnaallutik, tassa inunnik atorfinitsitsinissaaq imm. 1 naapertorlugu tunngaveqartunik atorfinitsitsinissaaq periarfissaanngippat.

Normu 8-mut

Allanguutissatut siunnersuutip kingunera tassaavoq Kalaallit Nunaanni Pinerluttulerinermik Isumaginnittoqarfik innuttaasunut, eqqartuunneqarsimallutik Kalaallit Nunaanni Pinerluttunik Isumaginnittoqarfiup isertitsiviisa ilaanni pineqaatissinneqarsimanerminnik atuisunut neqerooruteqarniarpat, katsorsartinneqarnissamut atugassarititaasut sukumiinerusut Naalackersuisut aamma Kalaallit Nunaanni Pinerluttunik Isumaginnittoqarfiup akornanni isumaqatigiissutigineqassapput.